



Հավելված N 542
ՀՀ էկոնոմիկայի նախարարության
գլխավոր քարտուղարի
2019 թ. հուլիսի 26-ի N 636-Ա հրամանի

**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ՌԱԶՄԱՎԱՐԱԿԱՆ ՈԼՈՐՏՆԵՐԻ
ՎԱՐՉՈՒԹՅԱՆ ԹԱՆԿԱՐԺԷՔ ՄԵՏԱՂՆԵՐԻ ԵՎ ՔԱՐԵՐԻ ԲԱԺՆԻ ՊԵՏ**

1. Ընդհանուր դրույթներ

1.1. Պաշտոնի անվանումը, ծածկագիրը

Էկոնոմիկայի նախարարության (այսուհետ՝ Նախարարություն) ռազմավարական ոլորտների վարչության (այսուհետ՝ Վարչություն) թանկարժեք մետաղների և քարերի բաժնի (այսուհետ՝ Բաժնի) պետ (ծածկագիրը՝ 23-32.25-Ղ4-2)

1.2. Ենթակա և հաշվետու է

Բաժնի պետն անմիջական ենթակա և հաշվետու է Վարչության պետին:

1.3. Ենթակա և հաշվետու պաշտոններ

Բաժնի պետին անմիջական ենթակա և հաշվետու են Բաժնի աշխատողները:

1.4. Փոխարինող պաշտոնի կամ պաշտոնների անվանումները

Բաժնի պետի բացակայության դեպքում նրան փոխարինում է Բաժնի գլխավոր մասնագետը կամ Վարչության պետը:

1.5. Աշխատավայրը

Հայաստան, ք. Երևան, Կենտրոն վարչական շրջան, Միեր Մկրտչյան 5

2. Պաշտոնի բնութագիրը

2.1. Աշխատանքի բնույթը, իրավունքները, պարտականությունները

1. ապահովում է մետաղական՝ այդ թվում նաև ազնիվ մետաղների քաղաքականության ձևավորման ու իրագործման առաջարկների մշակման աշխատանքները.

2. ապահովում է մետաղական՝ այդ թվում նաև ազնիվ մետաղների ոլորտի զարգացմանն ուղղված պետական ծրագրերի նախագծերի մշակման աշխատանքները.

3. ապահովում է մետաղական՝ այդ թվում նաև ազնիվ մետաղների ոլորտի արդյունաբերության գերակա ուղղությունների որոշման համար առաջարկությունների մշակման աշխատանքները.

4. ապահովում է թանկարժեք քարերի և մետաղների արտադրության քաղաքականության մշակման աշխատանքները.

5. ապահովում է թանկարժեք քարերի և մետաղների արտադրության

քաղաքականության ձևավորման ու իրագործման առաջարկների մշակման աշխատանքները.

6. ապահովում է թանկարժեք մետաղների և թանկարժեք քարերի բնագավառում քաղաքականության մշակման և իրականացման աշխատանքները.

7. ապահովում է սև և գունավոր մետաղների թափոնների և ջարդոնի շրջանառության հիմնախնդիրների վերաբերյալ առաջարկությունների մշակման աշխատանքները.

8. ապահովում է մասնակցությունը ԵԱՏՄ շրջանակներում ոլորտային համագործակցության զարգացման ու խորացման աշխատանքներին.

9. ապահովում է մասնակցությունը տեխնիկական կանոնակարգմանն առնչվող իրավական դաշտի մշակման աշխատանքներին, այդ թվում՝ ԵԱՏՄ շրջանակներում ԵԱՏՄ սակագնային և ոչ սակագնային կարգավորման աշխատանքներին:

Իրավունքները՝

- համագործակցել համապատասխան պետական կառավարման և տեղական ինքնակառավարման մարմինների և գործարար համայնքի հետ թանկարժեք մետաղների և թանկարժեք քարերի արդյունաբերության քաղաքականության մշակման և միջնաժամկետ վերանայման աշխատանքների շրջանակում.

- տնօրինել համապատասխան մարմիններից թանկարժեք մետաղների և թանկարժեք քարերի արդյունաբերության ոլորտի ռազմավարական փաստաթղթերի ու իրավական ակտերի նախագծերի վերաբերյալ անհրաժեշտ տեղեկություններ.

- ստանալ թանկարժեք մետաղների և թանկարժեք քարերի արդյունաբերության ոլորտի հարցերով զբաղվող միջազգային կազմակերպություններից անհրաժեշտ տեղեկատվություն.

- մասնակցել Նախարարության տարբեր ստորաբաժանումների և շահագրգիռ մարմինների ներկայացուցիչների հետ թանկարժեք մետաղների և թանկարժեք քարերի արդյունաբերության ոլորտում ներդրողների կողմից բարձրացված հարցերի և խնդիրների լուծման համար աշխատանքային քննարկումներին.

- տնօրինել զարգացած և զարգացող երկրների թանկարժեք մետաղների և թանկարժեք քարերի արդյունաբերության քաղաքականության և ներդրումների ներգրավման համար կիրառվող միջոցների ու մոտեցումների վերաբերյալ շահագրգիռներ մարմիններից անհրաժեշտ տեղեկատվությունը.

- մասնակցել համապատասխան միջազգային կառույցների ներկայացուցիչների հետ հանդիպումներին և ոլորտին առնչվող հարցերի քննարկմանը.

- ստանալ համապատասխան շահագրգիռ մարմիններից թանկարժեք մետաղների և թանկարժեք քարերի արդյունաբերության ոլորտին առնչվող պարզաբանումներ և բացատրություններ.

- պահանջել շահագրգիռ մարմիններից ամբողջական տեղեկատվական փաթեթ թանկարժեք մետաղների և թանկարժեք քարերի արդյունաբերության ոլորտի ներդրումային

միջոցառումներին և համաժողովներին մասնակցելու համար.

- մասանակցել թանկարժեք քարերի և մետաղների, ինչպես նաև մետաղական՝ այդ թվում նաև ազնիվ մետաղների ոլորտներում արդյունաբերության ոլորտի ֆորումներին, համաժողովներին և խորհրդակցություններին.

- տնօրինել թանկարժեք մետաղների և թանկարժեք քարերի արդյունաբերության ոլորտի քաղաքականությունների, ներդրումների ներգրավման, ներդրումների պաշտպանության համար կիրառվող միջոցների ու մոտեցումների վերաբերյալ դիվանագիտական կապուղիներով արտասահմանյան երկրներից ստացված տեղեկատվությունը:

Պարտականությունները՝

- համակարգել թանկարժեք մետաղների և թանկարժեք քարերի արդյունաբերության ոլորտում ներդրումների ներգրավման և ներդրումային քաղաքականության մշակման և միջնաժամկետ վերանայման, համապատասխան իրավական ակտերի և դրանց նախագծերի մշակման համար անհրաժեշտ աշխատանքները, համագործակցելով շահագրգիռ մարմինների հետ.

- հսկել թանկարժեք մետաղների և թանկարժեք քարերի արդյունաբերության ոլորտի քաղաքականության մշակման և դիտանցման, անհրաժեշտ վերլուծությունների կատարման, համապատասխան առաջարկությունների նախագծերի մշակման իրականացման աշխատանքները.

- հսկել թանկարժեք մետաղների և թանկարժեք քարերի արդյունաբերության ոլորտին առնչվող իրավական ակտերի վերաբերյալ, ինչպես նաև նախագծերի մշակման համար առաջարկների ներկայացման իրականացման աշխատանքները.

- հսկել թանկարժեք մետաղների և թանկարժեք քարերի արդյունաբերության ոլորտի ներդրողների կողմից բարձրացված հարցերի և խնդիրների դասակարգման, վերլուծության, արձագանքման, առաջարկությունների մշակման աշխատանքները.

- հսկել զարգացած և զարգացող երկրների թանկարժեք մետաղների և թանկարժեք քարերի արդյունաբերության ոլորտի ներդրումային քաղաքականության, ներդրումների ներգրավման համար կիրառվող միջոցների և մոտեցումների վերլուծելու և համապատասխան առաջարկություններ մշակման աշխատանքների կատարման ընթացքը.

- հսկել Նախարարության համապատասխան ստորաբաժանումներին և այլ շահագրգիռ մարմիններին թանկարժեք մետաղների և թանկարժեք քարերի արդյունաբերության ոլորտի օտարերկրյա ներդրումների վերաբերյալ հաշվարկ-տեղեկանքների տրամադրման աշխատանքների կատարման ընթացքը.

- հսկել համապատասխան մարմինների կամ անհատների կողմից ներկայացված հարցադրումներին ընթացք տալու աշխատանքների աշխատանքների կատարման ընթացքը.

- հսկել իրավական ակտերի նախագծերի, առաջարկությունների, եզրակացությունների

նախապատրաստման, ինչպես նաև մեթոդական պարզաբանումների և ուղեցույցների մշակման աշխատանքների աշխատանքների կատարման ընթացքը.

- ամփոփել և ներկայացնել առաջարկություններ, տեղեկանքներ, հաշվետվություններ, միջնորդագրեր, զեկուցագրեր և ընթացք տալ այլ գրությունների նախագծերը:

3. Պաշտոնին ներկայացվող պահանջները

3.1. Կրթություն, որակավորման աստիճանը

Բարձրագույն կրթություն

3.2. Մասնագիտական գիտելիքները

Ունի գործառույթների իրականացման համար անհրաժեշտ գիտելիքներ

3.3. Աշխատանքային ստաժը, աշխատանքի բնագավառում փորձը

Հանրային ծառայության առնվազն երեք տարվա ստաժ կամ չորս տարվա մասնագիտական աշխատանքային ստաժ կամ տնտեսագիտության բնագավառում՝ չորս տարվա աշխատանքային ստաժ:

3.4. Անհրաժեշտ կոմպետենցիաներ

Ընդհանրական կոմպետենցիաներ՝

1. Աշխատակազմի կառավարում
2. Քաղաքականության վերլուծություն, մոնիթորինգ
3. Որոշումների կայացում
4. Ծրագրերի կառավարում
5. Խնդրի լուծում
6. Բարեվարչություն

Ընտրանքային կոմպետենցիաներ՝

1. Բանակցությունների վարում
2. Ժամանակի կառավարում
3. Ելույթների նախապատրաստում և կազմակերպում
4. Ժողովների և խորհրդակցությունների կազմակերպում և վարում
5. Փաստաթղթերի նախապատրաստում

4. Կազմակերպական շրջանակը

4.1. Աշխատանքի կազմակերպման և ղեկավարման պատասխանատվությունը

Պատասխանատու է համապատասխան մարմնի կառուցվածքային ստորաբաժանման կամում գործող կառուցվածքային միավորի աշխատանքների կազմակերպման և ղեկավարման համար:

4.2. Որոշումներ կայացնելու լիազորությունները

Կայացնում է որոշումներ համապատասխան մարմնի կառուցվածքային ստորաբաժանման

կամում գործող կառուցվածքային միավորի աշխատանքների կազմակերպման և ղեկավարման շրջանակներում:

4.3. Գործունեության ազդեցությունը

Ունի գերատեսչական մակարդակում աշխատանքների կազմակերպման և քաղաքականության իրականացման ապահովման և իր լիազորությունների իրականացման արդյունքում այլ անձանց վրա ազդեցություն:

4.4. Շփումները և ներկայացուցչությունը

Շփվում և որպես ներկայացուցիչ հանդես է գալիս տվյալ մարմնի, այլ պետական մարմինների և կազմակերպությունների ներկայացուցիչների, ինչպես նաև օտարերկրյա պետությունների և միջազգային կազմակերպությունների ներկայացուցիչների հետ իր իրավասությունների շրջանակներում:

4.5. Խնդիրների բարդությունը և դրանց լուծումը

Իր լիազորությունների շրջանակներում բացահայտում, վերլուծում և գնահատում է իր կողմից ղեկավարվող կառուցվածքային միավորի գործառույթներից բխող խնդիրները և դրանց տալիս լուծումներ: